


Bibël për fëmijët paraqet



Noeu dhe Përmbytja e Madhe

Shkruar nga: Edward Hughes
Ilustruar nga: Byron Unger; Lazarus

Përkthyer nga: Arianit Iljazi
Adaptuar nga: M. Maillot; Tammy S.

Tregimi 3 nga 60

www.M1914.org


Bible for Children, PO Box 3, Winnipeg, MB R3C 2G1 Canada

E drejta e kopjimit: Mund të bëni kopje ose ta shtypni këtë histori, nëse nuk do ta shitni.

Shqip


Albanian

Noeu ishte një njeri
që adhuronte Perëndinë.
Çdokush tjetër e urrente
dhe nuk i bindej Perëndisë.
Një ditë, Perëndia tha diçka
tronditëse.



1

"Unë do ta shkatërroj
këtë botë të mbrapshtë",
i tha Perëndia Noeut.
Vetëm familja jote
do të shpëtohet.



2

Perëndia e paralajmëroi Noeun, se një përmytje e madhe do të vinte dhe do ta mbulonte tokën. "Ndërto një arkë, një anije të madhe mjaftueshëm sa të nxërë familjen tënde dhe shumë kafshë", u urdhërua Noeu.

Perëndia i dha Noeut udhëzime

të sakta. Noeu ia nisi punës.



3

Njerëzit mbase talleshin ndërsa Noeu u shpjegonte atyre se përse po e bënte arkën.

Noeu vazhdoi të ndërtonte. Ai gjithashtu vazhdoi tu tregojë njerëzve rreth Perëndisë. Askush nuk ia vinte veshin.



4

Noeu kishte besim të madh. Ai i besonte Perëndisë edhe pse asnjëherë më përpara nuk kishte rënë shi. Shpejt arka u bë gati të ngarkohej.



5

Ja tek erdhën kafshët. Perëndia solli shtatë nga disa lloje, dhe dy nga llojet e tjera. Zogjtë të mëdhenj dhe të vegjël, bishat e vogla dhe të gjata e gjetën udhën për në arkë.



6


Mbase njerëzit i bërtisnin sharje Noeut ndërsa ai ngarkonte kafshët. Ata nuk pushuan së mëkatuari kundër Perëndisë. Ata nuk kërquan të hyjnë në arkë.



7

Më në fund të gjitha kafshët dhe zogjtë ishin në arkë.

"Ejani në arkë", e ftoi Perëndia Noeun. "Ti dhe familja jote". Noeu, gruaja e tij, tre djemtë e tij dhe gratë e tyre hynë në arkë. Pastaj Perëndia mbylli derën.



8




Pastaj filloi të bjerë shi. Një shi i madh dhe i rrëmbyer e përmyti tokën për dyzet ditë e dyzet netë.

9




Rrëketë e ujit vërshuan mbi qytete e fshatra. Kur shiu pushoi, madje edhe malet ishin nën ujë. Çdo gjë që merrte frymë vdiq.

10



Ndërsa ujrata u çuan, arka lundronte mbi to. Mund të kishte qenë errët brenda, mbase përplaseshe, dhe mbase ishte edhe pak frikë. Por arka e strehoi Noeun jashtë nga përmytja.

11



Mbas pesë muajsh përmytje, Perëndia dërgoi një erë përtharëse. Ngadalë, arka erdhi dhe qëndroi në malet e lartë të Araratit.

12



Noe dërgoi një korb dhe një pëllumb jashtë nga dritarja e hapur e arkës.

Duke mos gjetur një vend të thatë e të pastër ku të pushonte, pëllumbi u kthye tek Noe.


13



Një javë më pas, Noe provoi përsëri. Pëllumbi erdhi me një gjethe ulliri në sqepin e tij. Javës tjetër Noe dinte se toka ishte e thatë, sepse pëllumbi nuk u kthye më.


14

Perëndia i tha Noeut se ishte koha të dilte nga arka. Së bashku, Noeu dhe familja e tij shkarkuan kafshët.



15


Sa mirënjohës do ishte ndjerë Noeu. Ai ndërtoi një altar dhe adhuroi Perëndinë, i Cili e kishte shpëtuar atë dhe familjen e tij, nga përmbytja e tmerrshme.



16


Perëndia i dha Noeut një premtim të mrekullueshëm. Kurrë më ai nuk do ta përmbysë më tokën për

shkak të mëkatit të njerëzve. Ylberi ishte shenja e premtimit të Perëndisë.



17

Noeu dhe familja e tij gjetën fillime të reja pas përmbytjes. Pas ca kohe pasardhësit e tij populluan sërish të gjithë tokën. Të gjitha kombet e botës vijnë nga



18

Noeu dhe fëmijët e tij.

Noeu dhe Përmbytja e Madhe

Një tregim nga Fjala e Perëndisë, Bibla

e marrë nga

Zanafilla 6-10

"Zbulimi i fjalëve të tua ndriçon dhe u jep mendje njerëzve të thjeshtë."
Psalmet 119:130

Perëndia e di që ne kemi bërë gjëra të këqija, të cilat Ai i quan mëkate. Denimi për mëkatin është vdekja.

Perëndia na don neve aq shumë sa që dërgoi Birin e Tij, Jezusin, që të vdes në Kryq dhe të paguaj dënimin tonë. Pastaj Jezusi u ringjall dhe u ngrit lartë në Qiell.

Nëse ti do që të pendohesh, thuaja këtë Perëndisë: Perëndi i dashur, unë besoj në Jezusin që vdiq për mua dhe jeton. Të lutem eja në jetën time dhe m'i fal mëkatet, në mënyrë që të kem jetën e re. Dhe që të jem me Ty përgjithmon. Më ndihmo që të jetoj për Ty si fëmija i Yt. Amen. Gjoni 3:16

Lexo Biblën dhe fol me Perëndinë çdo ditë!

